

U B794 AAB  
MAHATHIR - MCA  
(I)

1985

SUBANG, 29 APRIL (BERNAMA) -- DATUK SERI DR. MAHATHIR MOHAMAD YANG BARU PULANG DARI LAWATAN SELAMA 20 HARI KE NEGARA-NEGARA SCANDINAVIA DAN AUSTRIA BERKATA BELIAU AKAN CUBA MENYELESAIKAN KRISIS MCA YANG TIMBUL SEMULA SEMASA KETIADAANNYA.

PERDANA MENTERI, YANG KELIHATAN TIDAK SENANG DENGAN PERTELINGKAHAN BERTERUSAN ANTARA KEDUA-DUA PUAH DALAM PARTI ITU, MENEGASKAN BELIAU TERPAKSA MENKAKSI PERKARA ITU DENGAN TELITI SEBELUM MEMBUAT SEBARANG KEPUTUSAN.

BELIAU TIDAK MENYATAKAN SAMA ADA RUNDINGAN BARU AKAN DIADAKAN ATAU ORANG TENGAH YANG BARU DILANTIK UNTUK MENYELESAIKAN MASALAH ANTARA PEMANGKU PRESIDEN MCA, DATUK DR. NEO YEE PAN DAN BEKAS NAIB PRESIDEN, ENCIK TAN KOON SWAN.

+ SAYA PERLU DIBERIKAN MASA UNTUK MENIMBANGKAN PERKARA ITU. SAYA TIDAK TAHU APA YANG BERLAKU KERANA SAYA TELAH TERPUTUS DENGAN PERKEMBANGAN DALAM NEGARA,+ KATA DATUK SERI DR. MAHATHIR, YANG JUGA Pengerusi Barisan Nasional kepada para pemberita setibanya di Lapangan Terbang Antarabangsa Kuala Lumpur.

SELAIN DARIPADA ISU MCA, BELIAU KELIHATAN GEMBIRA, DAN BERKATA: + SAYA GEMBIRA DAPAT KEMBALI SEMULA KE TANAH AIR,+ KEPADA MENTERI-MENTERI KABINET DAN PARA PEMBERITA YANG MENYAMBUUTNYA. --LAGI  
2044MST 29 04 85

MAHATHIR - MCA 2 SUBANG  
(I)

DATUK SERI DR. MAHATHIR JUGA MENYINDIR DATUK DR. NEO DAN SETIAUSAHA AGUNG MCA, TAN SRI CHONG HON NYAN APABILA BELIAU MENCERITAKAN BAGAIMANA ISU ANGGOTA-ANGGOTA PALSU (YANG MENJADI PUNCA KRISIS MCA) JUGA BERLAKU KEPADA SEBUAH PARTI POLITIK DI UNITED KINGDOM DAN MENJADI TAJUK UTAMA DALAM BEBERAPA BUAH AKHBAR BRITAIN.

+NAMPAKNYA, ANGGOTA-ANGGOTA PALSU INI JUGA TELAH MEREBAK KEPADA PARTI-PARTI LAIN DI SEBERANG LAUT,+ KATANYA KEPADA DATUK DR.NEO DAN DISAMBUK DENGAN KETAWA OLEH TIMBALAN PERDANA MENTERI, DATUK MUSA HITAM.

DATUK DR. NEO PULA MEMBERITAHU DATUK MUSA: +DATUK, SEPERTI YANG DATUK TAHU IA BUKAN ISU YANG SEBENAR DALAM PARTI ITU.+

KIRA-KIRA 100 ORANG ANGGOTA MCA YANG DIKATAKAN PENYOKONG PUAH TAN KOON SWAN MEMBAWA SEPANDUK +SELAMAT PULANG+ DI JALAN KE BILIK VIP LAPANGAN TERBANG ITU.

MASALAH MCA ITU YANG DISELESAIKAN DENGAN PERJANJIAN BERSAMA PADA 30 JAN. YANG DITANDATANGANI DIHADAPAN PERDANA MENTERI TIMBUL SEMULA KIRA-KIRA SEBULAN LALU APABILA ENCIK TAN MENUDUH PENGESAHAN SENARAI KEANGGOTAAN MCA ITU SEBENARNYA IALAH PEMBUANGAN ANGGOTA-ANGGOTA PARTI. --BERNAMA

2102MST 29 04 85